

à jure nec ab homine, sed ab ipso Deo illatum est, confert textus optimus in c. cum percussio 7. quæst. 1. ubi Gregorius cum percussio inquit, corporalis imminet utrum pro purgatione...

Declaratur modo hic primus casus, ut procedat, dummodo Canonici infirmus, dum integrè valetudine uteretur, solitus esset Divinis Officiis interesse...

Hinc Canonico, qui dum abesset in tribus mensibus à Concilio permisis, in morbum incidit, Sacra Congregatio censuit illius temporis distributiones non deberi...

Hinc etiam eundem Canonico Romanam petenti anno Jubilæi ex Capituli licentia, ut votum impleat...

Secundus casus exceptus in d. cap. unico in quo debentur quotidianæ distributiones in absentia, est juxta & rationabilis corporalis necessitas...

In eodem verbo & ceteri omnes. Hinc inferitur ut Canonici expulsi à Civitate propter seditiones obique sua culpa à contrariæ factionis hominibus integrè percipere debeat...

Debeantur absentibus ex justa causa & hæc tamen declaratio admittenda non est, quia textus in d. cap. unico sub unica verborum structura exceptis casus infirmitatis, corporalis necessitatis & Ecclesiæ utilitatis...

Hinc etiam inferitur ut iniuste detentus in carcere debeantur distributiones quotidianæ, pendente ac si Divinis interesset, ut concludit Joannes Andreas in d. e. unico...

rations Joannis Andreæ militans ubi est locorum Canonica sine sua culpa vi detinetur. Neque hæc distinctionem adhibuit Sacra Congregatio Concilii...

Item censuit distributiones deberi Canonico absenti, ut injustam Judicis vexationem redimeret. Item citato ob causam criminales, qui se innocentem exhibuit...

Tertius denique casus exceptus in d. c. unico, de Cler. non resident. lib. 6. in quo distributiones debentur non interessentibus, est evidens Ecclesiæ utilitas...

Secunda solutio est glossæ in d. e. unico in ver. Utilitas, quod canonici non teneantur distributiones talibus concedere...

Tertia solutio quam refert glossa præallegata est illorum qui dicunt textum in d. e. Cum non deceat, loqui in absentibus à loco Ecclesiæ...

Veriam Sacra Congregatio Concilii examiniat singulorum opinionibus & articulo diligenter discussio, intellexit textum in d. e. Cum non deceat, in eo casu...

Ceterum hæc conclusio intelligenda est procedere dummodo absentia contingat ob utilitatem Ecclesiæ in specie, de cujus distributionibus queritur...

ris sui Archidiaconi jurisdictioni subiectis, decessum est non debere distributiones quotidianas...

161. Ex hoc tertio casu inferitur primo, ut absens propter exercitium cure animarum sui dignitatis vel canonicatus incumbebat...

162. Inferitur secundo, ut referenda sint statuta Ecclesiarum, quibus declaratur Jubilari & immunes à choro qui per quadraginta annos continuis Ecclesiæ intervenierunt...

163. Inferitur tertio, ut pro presente habeatur canonicus absens pro negotiis capituli, unde in casu contingenti censuit Sac. Congregatio canonicum...

Inferitur quarto, ut distributiones debeantur canonicis assistentibus Episcopo Pontificalia exercenti ad præscriptum dicti. cap. 12. vers. Omnes verò sess. 24. tam in Cathedrali...

170. Inferitur quinto, ut obtinens præbendam Theologale in 169 diebus in quibus leguntur distributiones quotidianas læceretur...

171. Inferitur ultimo, ut Canonici Penitentiariorum dum confessiones in Ecclesia audit interim præsent in choro censentur, ut diversis verbis cavetur decreto Concilii Tridentini...

Et cum fuerit questum, an Penitentiariorum sit habendus pro præsentem in choro dum audit confessiones in Ecclesia; five in confessionario, five extra, responsum est habendum...

Et rursus cum dubitatum fuerit, an Penitentiariorum Ecclesiæ Cathedralis audiendo confessiones eorum qui non habent casus reservatos, seu eorum, qui tantum peccata venialia...

Ac demum cum Concilium decerneret præsentem in choro censeri Penitentiariorum cum confessiones in Ecclesia audit suborto dubio an etiam præsent censeri debeat extra chorum...

puta cum capitulum comitatur corpus defuncti sepulture tradendum ut eo quoque casu percipiatur distributio penidè ac si illis interesset...

DE PRÆBENDIS ET DIGNITATIBUS.

Idem Henricus III. Episcopo Vesprimen.

CAPUT XXXIII.

Exposuisti nobis, quod Ecclesiæ tuæ Canonici, diminuta ipsorum provisione à tempore Concilii generalis, cum eis ex tunc non fuerint ad eorum sustentationem concessæ capellæ...

SUMMARIUM.

- 1 Præbendis Ecclesiæ Cathedralis propter illorum pauperem possunt annexæ Capellæ, reservata ipsorum Presbiteris congrua portio.
2 Uniri non debet Parochialis Ecclesia præbenda Canonicali nisi inter sit congrua portio pro Vicario perpetuo.
3 Uniri possunt ab Episcopo de jure communi Parochiales Ecclesiæ præbendis vel Dignitatibus ob illarum paupertatem.

















Quo quidem observantia innotuit. Constat. Pii V. in c. 12. quae decernitur, ut legitime impediti fructus, & emolumenta percipiant, quamvis non sint praesentes, & actu inferviant, ex quibus credimus officiorum hujusmodi, perpetuitatem in dubium revocari non posse.

Et nihilominus etiam si essent manualia, tamen cum officium Correctoris per litteras in forma Brevis concessum fuerit predicto Officiali ad sui vitam, respectu ipsius censetur perpetuum, ut de offic. manualibus scripsit Abb. in c. Cum inter R. in §. not. de elec. Et in c. Ad nostram n. 7. de confirm. uti. vol. innotuit.

Quibus praemissis dicendum videtur petam reintegrationem debere predicto Officiali ex Justitia; quia nunquam per sententiam juris, vel hominis fuit privatus officio ex sui natura perpetuo sibi quae ad vitam collato, & tamen privatio cum sit facta, probari debet ab allegante, l. 1. Cod. de probat. & tract. Bald. in l. Ex persona n. 14. Cod. eod. tit. Non per sententiam juris, quia cunctis retinet Magistratum & officium prius obtentum, l. 1. §. Quamvis autem, ff. de sepul. A. Caeus, & ibi gloss. Bart. & DD. ff. de julic. si. fin. juncta gloss. 1. communiter approbata, & ibi dicit n. 41. infra eod. Nec per sententiam hominis, quia ad hoc probandum adducitur sola enuntiativa Majoris Penitentiarum, quod B. Rota Auditor habuerit predictum officium, & per consequens eo privatus remaneret primus officialis. Sed haec non est bona consequentia, quia verbum habuit, seu obtinuit, intelligi debet respectu exercitii, non autem respectu tituli ad quod inducitur in terminis hoc cap. juncta communi expositione DD. hic enim cavetur, ut coadjutor dandus Rectori Ecclesiae leproso curam habeat animarum; & tamen illud verbum habuit, non intelligitur respectu tituli, & habitus curae, qui remanet penes infirmum, sed respectu exercitii tantum, prout rejecta expositione gloss. firmant hic, Hofstadius, post princ. in ver. Animarum, Joan. Andr. in ver. Curam habuit, Butr. n. 3. Card. n. 1. Anchar. n. 3. Imol. n. 1. Et 3. Abb. n. ult. & Joan. de Anan. n. 2. quorum autoritatis iuncta Domini de Rota dec. 410. n. 5. part. 4. rec. cent. decidit coadjutorem nec jus, nec titulum habere in beneficio, sed tantum exercitium & administrationem; jus autem retinere penes coadjutum, & subdunt glossam praesallegatam communiter reprobari, qui in n. 3. tenent coadjutorem non solum non habere titulum, sed nec possessionem, cum illam habeat coadjutus, nec possessio possit esse penes plures in solidum, l. 3. §. Ex contrario, ff. de acquir. possess. quod etiam firmat Cott. dec. 3. 8. in hisse, & Capucius, dec. 65. in manuscripto. Rota in Salamantina Coadjutoria 25. Janis 1593. coram Pavia impressa apud Garz. de benef. par. 2. c. 5. num. 34. Habemus igitur hinc, certum lequendum communem intellectum, quod quando quis dicitur habere, seu obtinere officium ab alio obtentum, hoc non intelligitur respectu tituli, sed respectu exercitii tantum. Atque ita jus, & titulus radicatus in persona unius non evellitur, licet alteri dicti juri exercitium, & administratio concedatur, l. 3. ff. de hoc. & in terminis Coadjutoria est text. in cap. Grandi, ubi id notat Anchar. num. 5. vers. Nam 3. de just. negli. Pralat. lib. 6. Abb. in cap. Tua nos num. 4. infra eodem. Et ratio est evidens, quia poena in materia privata sine expressione aperta non inducitur, ut in Authen. de non alien. socien. nuben. §. Cuiusmodi, vers. Sin autem, Cassad. dec. 3. n. 3. vers. Nam non reperitur expressum, de hoc. & poena privationis tituli, quae gravissima est, non inducitur sine expressa derogatione juris quod ut notat Bald. in Authen. de testamento n. 13. c. de secund. nupt. & eo magis, quia verbum obtinuit, plus habet facti, quam verbum habuit. Nam obtinere verificatur etiam in sola detentione, l. Habere, ff. de verb. signific. Rota dec. 8. de elec. in antiq. Mohed. dec. 6. circa med. vers. Obtinere, & per tot. de locat. Unde si ver. habuit, quod plus habet juris, refertur ad nudum exercitium, ne titulus adducatur ad coadjuto, ut hic longe magis idem dicitur de ver. obtinuit, & nihilominus quamvis hoc verbum ex propria significatione intelligeretur etiam respectu domini, ut in contrariis; tamen verba sunt etiam impropranda, ne jus tertio quaeritur tollatur ut per Sarnen. in regul. de jure qua sit. non tollen. q. 1. n. 4. & propterea verba illa ab administratione debet officio removere, quae habentur in c. Tua infra eod. quamvis proprie sint apta importare remotionem a titulo beneficii; tamen improprantur, & intelliguntur respectu actualis exercitii tantum, ne inferatur praedictum Rectori coadjuto, prout intelligit Laurent. & alii communiter, & texti supra n. 7. quod aded verum est, ut etiam Papa contulisset officium, seu beneficium, cum clausula, non obstante collatione alteri facta; tamen intelligeretur de collatione invalida, ne laderetur jus tertii, ut voluit originaliter Compositell. in c. Causam qua num. 13. vers. Ut per eum ratione, supra de reser. Cujus officio non habet co. traductorem, ut ibi testatur Felin. n. 19. & 25. in fin. eamque fecerat est Rota coram Mohed. dec. 7. n. 6. de rest. spoli. ubi in terminis resolvit collationem officii Por-

tae Salazie ab alio obtenti factam per Papam cum clausula, non obstante collatione per Nos alteri facta, non valere, & oblitare regulam de jure qua sit, & eam clausulam esse intelligendam de collatione invalida. Allegat Bart. Idem tenent in l. Pradia n. 2. C. de locat. praed. lib. 11. & Bald. in Authen. Hoc inter liberos n. 3. vers. De clausula autem, C. de testam. & per haec patet responsio ad objectum, quod Papa intelligatur officialem ab officio removere, quando in ejus locum alium subrogat, hoc enim vendicat loco quando subrogatio fit plenarie, & respectu tituli, non autem respectu administrationis, & exercitii, ut ex dictis constat.

Sed quatenus verb. habuit, seu obtinuit, importaret collationem tituli, & per consequens remotionem primi officialis, tamen certum est Cardinali afferenti aliquid factum de mandato Papae, standum non esse, nisi haec tria simul concurrant; Primum, scilicet, ut Cardinalis afferat verisimilitudinem; Secundum, ut Papa sit praesens, ad quem facile possit haberi recursus; Tertio, ut assertio non contineat rem tertio praedictam, prout haec tria copulativè ad conciliandas opiniones requirit Rota dec. 670. n. 2. par. 4. recet. Hoc autem casu tantum abest, ut haec tria requista simul concurrant, ut potius deficiat omnino. Deficit enim primum, quia cum non deceat honestatem superioris nisi manifesta, & rationabili causa aliquem fuit officii, vel beneficii spoliare, c. Conquerente, de restit. spoliat. omnino inverisimile est, ut Papa, qui est fons Justitiae, & non praesumitur velle contra jus, c. Ex ore, de privil. voluerit officialem privare officio ex sui natura perpetuo, eique ad vitam per ipsum Pontificem collato, ex sola causa cecitatis in ipso officio contracte, contra equitatem naturalem, Cardinalis conf. 142. n. 2. contra inveteratam consuetudinem S. Penitentiarum, in qua ut dixi supra n. 30. Officialis impediti semper retinuerunt officium cum emolumentis, interveniens per substitutum, c. Consuetudinis 11. dist. 1. Sub. sancta Romana cum quinq. seq. 12. dist. Et contra omnia jura, quae ubique incalcent inhabilem ad officium exercendam propter morbum incurabilem non esse ab officio prius habito removendum, sed tantummodo illi dandum esse coadjutorem, ut hic, & in c. Ex parte, ibi, incurabili morbo, infra eod. Et in c. un. §. Verum, ibi, perperno impeditus, & ibi gl. in ver. Perpetuo, Joan. Monach. Archid. Gemin. & omnes eod. tit. lib. 6. Vital. in elem. Capientes n. 45. de parit. & in cetero tenet gl. 1. Host. in princ. Joan. Andr. n. 14. & alii communiter in c. fin. infra eod. Deficit etiam secundum requisitum facilitatis recursus ad Papam, sed haec inspectio cum pendeat ex multis circumstantiis, quae in facto consistunt, & nihil habet juris, in lectura consulto praetermittitur.

Demum deficit tertium, quia cum afferatur enuntiativa illam importare privationem officialis, negari non potest, quin contineat rem tertio maxime praedictam. Quod quidem praedictum, data estiam verisimilitudine, & facilitate recursus, per se solum sufficeret ad hoc, ut assertio Cardinalis standum non esset, ut originaliter scripsit Angel. conf. 182. n. 2. vers. Finaliter credo, cui subscribit Anchar. in elem. 1. n. 3. de probat. latissime Barbat. de Cardinali Legato q. 1. in 2. pralad. Abbas in c. Sic nobis n. 5. post gl. ibi in ver. Alio modo, de sentent. excomm. Arret. in c. Cum a nobis n. 15. vers. Nam hoc dictum limbo, de testib. Dec. in c. Cum causam, in fin. de off. de leg. & alii passim, & in assertione majoris Penitentiarum tenent Gozadin. conf. 41. col. penult. Gabriel. concl. 3. de probat. n. 17. & Malcard. in tra. de probat. concl. 140. n. 13.

Cum igitur praedicta verba enuntiativa nullatenus probent privationem officialis, consequens est, ut provisiones Apostolicae postea subleat de officio Correctoris tanquam de vacante sint subreptitae, ac nullae, cum Papa non intendat conferre officium minime vacans ad notata in c. Cum nostris, & c. Nulla, de consess. praed. c. Detestanda, eod. tit. lib. 6. & dixi Rota dec. 348. n. 2. par. 3. recet.

Nec relevat objectum, quod ad justificationem ultime provisionis sufficit, ut officium vacaret de facto, licet non de jure, juxta dec. Bellam. 116. n. 3. in fin. Rota dec. 9. de elec. in antiq. & dist. dec. 348. sub n. 1. vers. Causalabatur. Quoniam hic non agit de justificatione gratia pro executione litterarum Apostolicarum, quae in executionem habuerunt, in quibus terminis loquitur decisio praesallegata; Sed agit de validitate eorumdem litterarum, in quibus cum narratum fuerit officium vacare, necessario probari debet, & verificari quod tunc temporis illud vacaret de jure & de facto, alias gratia est manifestè obreptita, ut per Oldrad. conf. 208. Quoniam ex tempore n. 2. vers. Ex hoc facto, Jo. Monach. in cap. Si tibi abjuri n. 12. de prob. lib. 6. Gemin. conf. 86. in causa num. 1. ubi ait de hoc esse casum in dist. c. Cum nostris, de concess. praed. Par. dec. 30. n. 4. & 5. lib. 1. Ex quibus etiam consequitur, ut idem officialis merito possit conqueri de spolio, eique competat remedia reitutoria, cum non à supremo Principe, sed ab inferiori fuerit de facto spoliatus, cap. In litteris, cap. Item

dam esse per Summum Pontificem Successorem, ut tredocim fundamentis latissime probari in cap. Consultationibus infra eodem.

Et ita obtentum, ut dixi in cap. Ceterum, in fin. supra de rescript.

cum quis, & cap. Ex questione, de restit. spoliat. Rota dec. 15. eodem titul. in novis cum multis similibus.

Verum si concederetur officialem privatum fuisse per ipsum Principem, idque sufficienter probari ex praedictis verbis enuntiativis Majoris Penitentiarum; tunc dicendum esset privationem ex causa cecitatis non sustineri, & cassan-



# DE CLERICO AEGROTANTE,

Innocentius III. Arrelatenn. Archiepiscopo.

## CAPUT V.

EX parte tua fuit propositum, quod cum Aurasiensis Episcopus gravi & incurabili morbo ferè per quadriennium laboraverit, ita quod Pastoralis officium non potest ulatenus exercere: Princeps terrae illius, ac Cives civitatis ejusdem, à te postulant incessanter, ut ipsis (cum sis Metropolitanus eorum) studeas providere. Verum cum ipsam ad cessionem compellere non possis, nec debeas ullo modo, nec afflicto afflicto sit addenda, imò potius ipsius miseriae miserendum, eò quod idem vir bonus extiterit, & Ecclesiam salubriter sibi commissam gubernaverit. Nos volentes tam Episcopo quam Ecclesiae providere; mandamus, quatenus illi quo adjutorem associet virum providum & honestum; per quem tam Episcopo, quam populo utiliter consulatur.

## SUMMARIUM.

- Coadjutor dandus est Episcopo qui propter incurabilem morbum, Pastoralis officium exercere non potest.
- Coadjutor datus Episcopo & Superioribus Praelatis, est de causis majoribus & pertinet ad solum Papam.
- Praelatus inhabilis propter morbum perpetuum non potest compelli ad cedendum & num. seqq.
- Coadjutor datur etiam invito.
- Afflictio non est addenda afflicto; sed potius illius miseriam miserandum & num. seqq.
- Afflictus in uno, in alio est relevandus.
- Duplici damno quis afficit non debet.
- Beneficia Ecclesiastica debent esse perpetua.
- Coadjutoris officium quando expirat.
- Beneficium vacat per mortem Coadjutori, tam naturalem quam civilem & num. seqq.
- Ursus hauri jus deserit corpore perempto.
- Intus praesentur morte suspensi, seu naturali seu civili.
- Coadjutor unde dicitur & num. 20.
- Coadjutoria duplex.
- Coadjutoria cum futura successione quando expirat.
- Coadjutori cum futura successione acquiritur in beneficio jus ad rem, quod eveniente vacatione, per obitum

- Coadjuti efficitur jus plenum; nec est opus novae collatione.
- Coadjutor datus Episcopo cum futura successione, an possit administrare ea quae sunt Jurisdictionis Spiritualis seu temporalis, in Episcopo contradicente & n. seqq. usque ad n. 25.
- Quid si datus sit dementi vel aliis omnino inhabilibus.
- Et quid si datus sit impedito vel non proxiis inhabilibus & num. seqq.
- Coadjutor quid sit.
- Coadjutus retinet in habitu potestatem & jurisdictionem.
- Potentia ad operationem reducitur.
- Coadjutor an & quando possit beneficia conferre.
- Coadjutus alteri delegare non potest ea quae Coadjutor vult & potest per seipsum exercere.
- Coadjutus non potest revocare quae Coadjutor gessit in casibus sibi à jure vel consuetudine permixtis.
- Coadjutori conveniens habitatio est concedenda in aedibus Episcopalibus.
- Coadjutor in consueto Tribunali Episcopi jus reddere debet.

EX parte. Episcopo qui propter incurabilem morbum Pastoralis officium exercere non potest: dandus est coadjutor. Hoc dicit & sunt duae partes. In prima ponitur facti narratio. In secunda, provisio hinc. Verum.

Nota primò hic, cum sit Metropolitanus eorum, spectare ad Archiepiscopum dare coadjutorem Episcopo Suffraganeo aegrotanti, ut hic notat Bernardus. Sed hodie hoc reprobat in c. un. infra eodem lib. 6. ubi expressum est, dationem coadjutorum Episcopis & Superioribus Praelatis esse de causis majoribus ad solum Papam pertinere. Nec advertatur haec Decretalis, quod potius facti pro hac parte, quia iste Archiepiscopus non dedit coadjutorem Episcopo provinciali auctoritate ordinaria; sed tanquam Sedis Apostolicae delegatus, ut patet ex littera hic Mandamus. Et observat Card. in 4. notab. Abb. num. 3. & Guidopap. num. 2.

Secundò nota hic incurabili morbo, textum apertum quod Praelatus inhabilis propter morbum perpetuum & incurabilem non potest compelli ad cedendum Officio suo; sed tantummodo ad recipiendum coadjutorem qui datur etiam invito, ut hic & in c. de Rescriptis supra eodem & infra c. pro. & arg. cap. ad audientiam, il primo infra de Eccl. delict. atque ita hic expresse reprobat distinctio Basiani, an morbus sit curabilis vel incurabilis, de qua in c. Tua in glossa penultima supra eodem, concordat textus in d. c. un. §. Verum hic perpetuo impeditus infra eodem, lib. 6. & hic notant glossa ultima in fine, Host. in princ. & in fine. Card. Anchar. Abb. & Joannes de Anan. omnes in 1. not. & scripti plenus in c. pro. num. 40. infra eodem. Si vero morbus sit curabilis & temporalis, nedum Praelatus non cogitur cedere: quod fieri non debet, etiam si morbus sit perpetuus; sed nec dandus est illi coadjutor, ut est argumentum hic secundum Abbatem in 1. not. & firmat Archid. in summa 7. q. 1. in glossa adde & Henric. Boich. infra in c. seq. col. 1. vers. Idem Archid. quiddam contra incaute scripserit Nicolaus Casus de benef. par. 4. c. 5.